

EXERCITATIO EPISTOLICA,
DE
S. PHILOGONIO

EP. ANTIOCHENO.

Qua

**VIRO PLVRIMVM REVERENDO ET DO-
CTISSIMO,**

DN. M. IO. MICHAELI

SCHVMANNO,

ECCLESIAE AD D. MAVRITIVM PASTORI

VIGILANTISSIMO

ET SCHOLARCHAE GRAVISSIMO,

NATALEM

GRATVLATVR.

IO. MICHAEL HEINECCIUS, D.



Ediit felix ille atque auspicatissimus dies, qui vt sapius nobis & latior quotannis rediret, proximo abhinc anno Deum immortalem tacita mentis veneratone precati sumus. Nimirum quæ est incredibilis Dei bonitas & clementia, illuxit denuo hodie natalis Tvvs, atque ita illuxit, vt TE non modo incolumem & florentem, sed etiam ab ipso mortis limine reuocatum atque nobis restitutum intueamur. Quo diuino beneficio ornatus, quum vota soluere, nouaque signare pararem, existimaremque, exstare debere aliquod huius lætitiæ meæ gratæque memoriæ monimentum: fato nescio quo incidi in *Chrysostomi* (a) orationem quandam sacram, hoc eodem die, quo TV in lucem prodiisti, id est XIII. Kalendas Ianuarii Antiochiæ habitam, quæ me tanta voluptate affecit, vt TE quoque huius lætitiæ meæ participem vellem, nihilque hoc die à me considerari posse putarem commodius. Dicta enim est ista oratio in laudem S. PHILOGONII, Episcopi Antiocheni, cujus tanta exstant in Ecclesiam merita, vt *Chrysostomi* iudicio, nulla par tanti Viri laudibus oratio possit reperiri. Quo factum est, vt vetus ecclesia ejus memoriam in fastis consecraret, & hunc ipsum diem, qui *Philogonio* ac TIBI natalis est, festum ac sacrum esse jussit (b). Quum itaque *Syracide* (c) iudice, jure laudandi sint viri præclari, & quibus prognati sumus majores nostri, eo quod Dominus per hos multam gloriam sibi peperit, idque sua ab æuo condita magnificentia, *Philogonius* autem tam sit plerisque hodie ignotus, vt multi eum non modo in Ecclesiæ

(a) *Chrysostomi Homil. XXXI. p. 449. Tom. I. opp.* (b) *Græca æque ac Romana Ecclesia ejus memoriæ diem XX. Decembr. dedicauit teste Menologio Græcorum & Martyrologio Rom. p. 847.*
 (c) *Syrac. XLIV, 1, 2.*

fiæ Patribus habitum, sed omnino natum ignorent: facturum me operæ pretium arbitrabar, si divinus ille vir, natali TVO suoque quasi in vitam postliminio rediret, aut si memoria saltem ejus renaceretur.

Vt autem inde ordiamur, vnde ipse *Philogonius* sua in ecclesi-
am auspicatus est merita: constat omnino inter omnes, eum Anti-
ochiæ præfuisse Episcopum, iisque floruisse temporibus, quibus
Arius pestilentissimam hæresin suam evomere cœperat. At ve-
ro quum concilio Nicæno non *Philogonius* sed *Eustathius* Antioche-
norum Antistes interfuerit: illum sane jam tum ad meliorem vi-
tam euolasse oportet. Quamobrem iis maxime suffragamur, qui
eum anno æræ christianæ CCC. XIX. Episcopum factum, & quin-
quennio post beata morte expirasse arbitrantur. (d) Antequam
ei sacra hæc prouincia demandaretur: reipublicæ dabat operam, in
forensibusque versabatur negotiis, tanta quidem fide atque indu-
stria, vt & magistratus in vrbe Antiochena gereret. Hinc *Chrysos-
tomus* (e) testatur, Deum *Philogonium* ἐκ μέσης τῆς ἀγορᾶς ἀρεπα-
σθέντα ἐπὶ τὸν θρόνον ἀγαγεῖν, ex medio abreptum foro ad thronum
euexisse. Et paucis interjectis: καὶ τότε, inquit, ἀνθρώποις συνηγόρει
κατὰ ἀνθρώπων ἐπιβλεπόντων τὰς ἀδικεῖν τῶν ἀδικούντων ἰσχυροτέ-
ρας ποιῶν, tum quidem hominibus patrocinebatur aduersus homines,
qui struebant insidias, eosque, qui afficiebantur iniuria, superiores
readebat iis, qui iniuriam inferebant. Quæ omnia paullo apertius
eloquuti *Nicephorus Callisti* (f) & martyrologii Romani auctor
(g) *Philogonium* ex causlidico factum episcopum perhibent. Erant
scilicet tum tempora, quum etiam viri, negotiali vitæ dediti, tanta-
essent rerum sacrarum scientia, tanta pietate, vt non minus ad epi-
scopatus, quam ad alia munera subeunda viderentur idonei. Mul-
ta huius rei exstant exempla. Nam vt alia nunc prætermittamus:
ecquis tam est in historia ecclesiastica hospes, vt *Cyprianum* ex o-
ratore, *Ambrosium* ex Præfecto Mediolanensi, *Eusebium* Romanum

(d) Vide Tillemont. *Memoires pour servir a l'histoire ecclesiastique* Tom. VI. P. 1. p. 339. Alia omnia, nec meliora tamen prodit *Baronius* ad ann CCCXIX. num. 27. sed a *Nicephoro* deceptus. (e) *Chrysostom.* l. c. p. 352. (f) *Nicephorus Callist.* Libro VIII, H, E cap, 6. (g) *Martyrolog.* Rom. l. c.

ex laico & *Nestarium* Byzantinum denique ex prætore factos episcopos ignoret? (h) Nec est tamen, quod in his exemplis triumphent quidam nostræ ætatis fanatici, qui eo prolabantur audaciæ, vt ipsis quoque fullonibus & falsamentariis docendi in ecclesia munus deferendum existiment. Quod enim hodie suo sibi arbitrio sumere audent eiusmodi homines: illud antiqui isti non nisi rite atq; ordine vocati, quin refugientes sæpe ac inuiti suscipiebant. Vt enim ad *Philogonium* reuertamur, de eo idem, quem antea laudavi, Chrysostomus testatur, quod episcopatum *Spiritus S. gratia obtinuerit, ab ipsoque Deo fuerit electus*, (i) atque ob hanc causam eum cum Petro Apostolo contendit, quem Christus ipse, capto amoris eius experimento *pascere oves suas* iusserit. (k) Ac ne quis existimet, sola interna vocatione, qualem hodie isti jactant, permotum *Philogonium* ad sacrum munus ruere sustinuisse: addit Chrysostomus illum *ἀγρασθῆναι* i. e. *raptum esse ad thronum*, cleri scilicet populi-que suffragiis, penes quos tum eligendorum episcoporum jus erat atque arbitrium. (l) Tantum itaque abest, vt *Philogonius* ipse se ecclesiæ doctorem obtruserit, vt eo tempore piaculo fuerit, si quis ministerio sacro inuocatus fungeretur. Pergamus ad alia. Nam & illud de *Philogonio* non est prætereundum, quod uxorem duxit, eamque etiam episcopus factus non repudiavit, vt adeo & hunc sanctissimum virum, ipsoque pontificiorum iudicio in sanctis habitum, his coniugii sacerdotalis inimicis iure opponamus. Diserte hoc docet Chrysostomus, [m] ex quo intelligimus, *Philogonium* & uxorem habuisse & filiam, neque istud matrimonium impedisse, quo minus ad summum in ecclesia Antiochena munus adspiraret. Ceterum hac sparta ornatus, ita omnes boni Pastoris laudes absoluit, vt omnibus videatur in exemplum proponendus. Tria sunt, quæ consentiente omnium suffragio theologum perficiunt, oratio, meditatio & tentatio. Ea vero ita eminuerunt in *Philogonio*, vt sua ætate superiorem habuerit neminem. Summis laudibus Chrysostomus

(h) Centur. Magdeb. IV. cap. 6. p. 437. (i) Chrysostom. l. c. p. 351.
 (k) Io. XXI, 16. (l) Vid. Bebelii *Antiquit. ecclesiast. seculo IV. artic. 2. n. 9. p. 360.* (m) Chrysostom. l. c. *nec negare potest*
 Tillemontius l. c.

mus euehit integritatem, castitatem & sanctimoniam, quæ in eius vita eluxit, additque *cum adfuisse hominibus patrocinantem aduersus demonum insidias*. Quo quidem luculento testimonio indefessum ejus in pietate atque oratione studium commendari, nemo est, quin animaduertat. Qualem se porro docendo meditandoque præstiterit, tribus potissimum argumentis apparet. Primo enim Antiochenos natura ad libidines & vanitatem procliviores indefesso labore ad frugem perduxit: deinde & Arianorum conatibus pro virili sua parte obstitit, eamque pestem ab ecclesia sua pene solus divino beneficio auertit: postremo & scriptis luculentissimis diuinam veritatem asseruit. Primum quantum sit, is demum intelliget, qui Antiochenorum mores ac indolem norit. Erat hæc ciuitas magna quidem ciuibusque affluens quam plurimis, sed luxu & deliciis ita eneruatis, vt totos dies in theatris desidere, studium iis unicum videretur. [n] Inter hos tamen tanquam lucerna splenduit *Philogonius*, breuique, quo ecclesiæ præfuit, tempore, tot animas Christo lucratus est, vt Chrysostomus, quicquid verorum christianorum sua ætate esset Antiochiæ, *Philogonii* ministerio deberi fateatur. Præclara sunt ejus verba, & digna quæ hic legantur: [o] *Videamus, inquit, quomodo munus hoc episcopi administrarit? quin potius non opus est hic pluribus verbis aut voce nostra, quum vester ardor, vestrumque studium hoc ultro declaret. Quemadmodum enim aliquis ingressus vineam, vitesque contemplatus pampinis comantes, fructuque gravidas, maceris ac septis undique munitas, hæutquaquam desiderat orationem cuiusquam, qui demonstret vititoris industriam: itidem & hic, si quis ingressus conspiciat vites spirituales, vestrumque fructum contempletur, nihil opus habuerit, vt ex cuiusquam oratione discat, qualis fuerit hic vester præpositus*. Quid dicamus porro de eius virtute, qua aduersus Arianos dimicauit? Prodierat tum *Arius*, quumque in Aegypto, Alexandri episcopi Alexandrini vigiliis interclusus, virus suum spargere non potuisset, in Asiam sese receperat. Ibi brevi interiecto tempore, ut erat versuto admodum ingenio, tot sectatores inuenit, ut paucissimi reliqui essent sinceri episcopi,

(n) Vid. Chrysostomi Homil. ad populum Antiochen. passim, vt & Iuliani Imperat. Misianonon. (o) Chrysostom. l. c. p. 354.

mirareturque oriens, se tam subito factum esse Arianum. Inter hæc *Philogonius*, huic hydræ velut diuinitus oppositus cum paucissimis obstitit, nec aliorum reveritus iudicia, qui iam tum, ceu hodie fieri solet, orthodoxiæ laudem in vitium trahere cœperant, docendo scribendoque tam strenue rem egit, ut ei conservatæ catholicæ fidei laus vel maxime debeatur. Poteram hic multa colligere veterum testimonia, veluti *Athanasii*, (p) qui eum orthodoxis accenset, eiusque lucubrationes, quæ perierunt, miris laudibus ornat, nec non *Alexandri Alexandrini*, (q) qui epistola ad illum exarata, eandem ipsi gloriam tribuit, ipsius porro Chrysostomi, Nicephori aliorumque quam plurimum: sed malumus ipsum audire *Arium*, (r) qui in epistola quadam ad Eusebium Nicomediensem episcopum, totum orientem secum sentire gloriatur *exceptis duntaxat Philogonio, Hellanico & Macario*, in quos ideo omne virus suum evomit, viros tam sanctos non veritus appellare ἀνθρώπους αἱρετικούς καὶ ἀνατηχίτας, homines hæreticos nec in fidei elementis eruditos. Quæ semper solennis fuit hæreticis in viros fidei antiquæ tenaces calumnia. Bone Deus, quid futurum fuisset de rebus nostris, nisi hos triumviros, tanquam pueros illos in camino Babylonico servasses? Denique nec tentationum expers fuisse putandus est *Philogonius*, quum ejus ætas in ea inciderit tempora, quibus in oriente capitale erat, esse christianum. Sane illum multa pro Christi nomine passum, his verbis docet *Theodoritus*: (s) φιλογόνιος τὸν ὑπὲρ τῆς εὐσεβείας ἐν τοῖς λικινίῃ καρτοῖς ἐπεδείξατο ζῆλον, *Philogonius pro veritatis defensione singulare studium Licinii temporibus declaravit*. Licinii tempora dum commemorat, magnam malorum Iliadem nobis revocat in memoriam. Est enim hic iste Licinius, qui Constantini M. æmulatione in transversum actus, odio plus quam Vatiniano in religionem nostram flagrauit, tantumque sanguinis christiani per Orientem ad Lybiam usque fudit, ut reliquis ecclesiæ persecutoribus non nisi breuitate impe-

(p) *Athanas. Orat. I. adu. Arian. cap. 8. p. 278. Tom. I. op. edit. Paris.*

(q) *ap. Theodorit. L. I. H. E. cap. 4. p. 20.* (r) *Servarunt*

eam epistolam Theodoritus Lib. I. H. E. cap. 5. & Epiphan. Hæres. 67.

(s) *Theodorit. Lib. I. H. E. cap. 3. p. 8.*

perii cederet. (t) Non benignius ergo eum cum Philogonio egisse, satis apparet ex verbis *Theodoriti*. Procul dubio ille multas confessionis palmas reportauit, multa ludibria, multas calamitates passus est, ac tantum non ipsam vitam pro Christo amisit. Sed aliter tamen visum est Deo rerum humanarum arbitro, qui virum meritis in ecclesiam clarum annisque gravem morte sua ex misera hac rerum humanarum caligine euocauit, & omnium inimicorum insidiis hoc ipso natali TVO subduxit.

Sed nescio quo me provehat *Philogonii* amor. Sane enim quum in TE, mi amicissime SCHVMANNE, non minus præclaras Dei dotes, quam in *Philogonio* veneremur: compendio non leui, breuiorem reddere epistolam, atque instituta comparatione me oblectare poteram. Sed quum sit anceps comparationum omnium periculum, nec modestia tua ullas a me laudes requirat: mutabo consilium, & in TVO svavissimo nomine unice nunc requiescam. Salue igitur, mi frater, salue mea anima, & vt paucula quædam de nobis ipsis dicam, patere. TE ego simul ac primum vidi, idem mihi contingere arbitrabar, quod sibi ac Octauio suo contigisse ait Minucius Felix, (u) *vnâ putâ mentem inter nos ambo fuisse diuisam*. Adeo enim me cepisti incredibili candore TVO, pietate, ceterisque, quibus ornatus es, virtutibus, nihil vt nomine TVO mihi esset iucundius. Hinc postquam arctior inter nos, non dicam amicitia, sed fraterna pietas coaluit: adeo TE non solum diligere, sed & amare cœpi, ut in TE magnificiendo concedam omnino nemini. Deum testor, quanta nuper fuerit trepidatio mea, quum TE difficili morbo implicitum coram spectarem. Verebar enim, ne vnico illo, quem maximi facio, amico mihi subtracto, vitæ ipsius me pœniteret. Sed audiuit Deus vota, vidit lacrymas meas, TEque TIBI non magis ac TVIS, quam mihi restituit. Vivit SCHVMANNVS meus, viget benedi-

cti-

(t) *Basilii in Oratione in XL Martyres. Eusebii Libro II. vite Constantini, cap. 1. 2. & Lib. X. H. E. cap. 9. Sozomeni. Lib. 1. H. E. cap. 2.* (u) *Minuc. Fel. Octav. cap. 1. o. 6.*

Etione, viget familiæ suæ ornamentis, viget meritis, & nouum
vitæ suæ annum hodie auspiciis felicissimis inchoat. Gratulor
ergo non TIBI solum, sed & mihi, Deumque immortalem
veneror, vt florente ecclesia TVA, florente doctro, florente
valetudine diem hunc redire jubeat sæpissime, TEque posteris
etiam proponat grande felicitis Pastoris, felicitis Mariti, felicitis Pa-
rentis, felicissimique amici exemplum. Vale. E museo
XIII. Kalendas Januarias. clc. lccc. XII.

Typis CHRISTIANI HENCKELII.